

საკონკურსო განცხადება

1. საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო აცხადებს კონკურსს ქ. ზუგდიდში, დემურას ქ N1-ში მდებარე შენობის (საკ.კოდები: N43.31.42.192.01.502; N43.31.42.192.01.507; N43.31.42.192.01.509; N43.31.42.192.504) სამშენებლო-სარემონტო სამუშაოებისათვის საჭირო სრული და დეტალური საპროექტო-სახარჯთაღრიცხვო დოკუმენტაციის შედგენა-მიწოდების მომსახურების შესყიდვის შესახებ და კონკურსში მონაწილეობის მისაღებად იწვევს ყველა დაინტერესებულ პირს.

1.1. სამინისტროს მიერ ცხადდება კონკურსი წინამდებარე საკონკურსო დოკუმენტაციაში მოცემული სარეაბილიტაციო ობიექტის სამშენებლო-სარემონტო სამუშაოების ჩატარებისთვის საჭირო სრული და დეტალური საპროექტო-სახარჯთაღრიცხვო დოკუმენტაციის შედგენა-მიწოდების მომსახურების სახელმწიფო შესყიდვაზე, რომლის საერთო სავარაუდო ღირებულება შეადგენს **26 500.00 (ოცდაექვსი ათას ხუთასი) ლარს.**

1.2. კონკურსანტის მიერ წარმოდგენილი საკონკურსო წინადადება უნდა შეიცავდეს:

1.2.1 შესყიდვის ობიექტის ფასს დღგ-ს ჩათვლით;

1.2.2. პირის რეკვიზიტებს (იურიდიული მისამართი, საიდენტიფიკაციო კოდი, პირადი ნომერი, საბანკო რეკვიზიტები, ხელმძღვანელობაზე და წარმომადგენლობაზე უფლებამოსილი პირის სახელი, გვარი, ტელეფონის ნომერი);

1.2.3. განმარტებით ბარათს საპროექტო-სახარჯთაღრიცხვო დოკუმენტაციის მოსამზადებლად ჩასატარებელი სამუშაოების შესახებ.

1.2.4. არქიტექტურული დაგეგმარების კონცეფცია;

შენიშვნა: ა) დოკუმენტაცია წარმოდგენილი უნდა იყოს ალბომის სახით ნაბეჭდი ვერსია A3 ფორმატზე, CD- ვერსია PDF- ფორმატში, რომლის ერთი ფაილის მოცულობა არ უნდა აღემატებოდეს 8 მგბ-ს;

2. ელექტრონული კონკურსის მიზანი:

2.1. ქ. ზუგდიდში, დემურას ქ N1-ში მდებარე შენობის (საკ.კოდები: N43.31.42.192.01.502; N43.31.42.192.01.507; N43.31.42.192.01.509; N43.31.42.192.504) სამშენებლო-სარემონტო სამუშაოების ჩასატარებლად საჭირო სრული და დეტალური საპროექტო-სახარჯთაღრიცხვო დოკუმენტაციის შედგენა-მიწოდება;

2.2. ელექტრონულ კონკურსში მონაწილე კონკურსანტმა უნდა წარმოდგინოს არსებული შენობის ბინებად რეაბილიტაციის გეგმები (კონცეფცია) საპროექტო ნორმებისა და ქვემოთ მოყვანილი, სამინისტროს მიერ შემუშავებული პრიორიტეტების გათვალისწინებით.

2.3. კონცეფციის შეფასებისას ძირითად პრიორიტეტად ჩაითვლება ბინების მაქსიმალური რაოდენობა.

2.4. სამინისტროს მიერ შემუშავებული პრიორიტეტები:

- ერთთახიანი ბინა -25- 40.0 მ²-ის ფარგლებში;
- ოროთახიანი ბინა - 45-60.0 მ²-ის ფარგლებში (ბინების საერთო რაოდენობის 50%);
- სამოთახიანი ბინა - 65.0-80.0 მ²

2.5. აივნის ფართი არ უნდა აღემატებოდეს ბინის სასარგებლო ფართის 15-17%-ს.

3. საკონკურსო წინადადება, რომლის ფასი აღემატება შესყიდვის სავარაუდო ღირებულებას - **26 500.00 (ოცდაექვსი ათას ხუთასი) ლარს, არ განიხილება;**

4. საკონკურსო წინადადების შეფასება და გამარჯვებული კონკურსანტის გამოვლენა მოხდება **10-ქულიანი** შეფასების სისტემით, შემდეგი კრიტერიუმების გათვალისწინებით:

- სრული დაგეგმარების არქიტექტურული კონცეფცია: კოეფიციენტი – 0,4;
- საკონკურსო წინადადების ფასი: კოეფიციენტი – 0,6.

4.1. საკონკურსო წინადადება, რომელიც არ შეიცავს დაგეგმარების არქიტექტურული კონცეფციას ან/და საკონკურსო წინადადების ფასს დისკვალიფიცირებული იქნება.

5. კონკურსანტი გამარჯვებულად ჩაითვლება, თუ მას საკონკურსო კომისიის წევრები ყველაზე მაღალ ჯამურ ქულას მიანიჭებენ. ქულათა თანაბრად განაწილების შემთხვევაში გადაწყვეტია საკონკურსო კომისიის თავმჯდომარის მიერ მინიჭებული ქულა.

6. საკონკურსო კომისიას შეუძლია მოახდინოს იმ საკონკურსო წინადადების დისკვალიფიცირება, რომლის მიერ წარმოდგენილი სრული დაგეგმარების არქიტექტურული კონცეფცია მიუღებელი იქნება ესთეტიკური ან/და კონცეპტუალური თვალსაზრისით.

7. სამუშაოების დაგეგმარების პრინციპები უნდა შეესაბამებოდეს საქართველოში მოქმედ სტანდარტებს.

8. კონკურსში მონაწილეობის საფასური:

8.1. საკონკურსო წინადადების წარდგენისთვის პირი იხდის საფასურს **50 (ორმოცდაათი) ლარის** ოდენობით. საფასური გადაიხდება კონკურენციისა და სახელმწიფო შესყიდვების სააგენტოს ოფიციალურ ვებ-გვერდზე (www.procurement.gov.ge) მითითებულ ანგარიშზე:

მიმღების ბანკი	სახელმწიფო ხაზინა
ბანკის კოდი: TRESGE22	
მიმღების დასახელება	ხაზინის ერთიანი ანგარიში
მიმღების ანგარიშის/სახაზინო კოდი:	707797130

8.2. საფასურის გადახდის დამადასტურებელ დოკუმენტში მითითებული უნდა იყოს:

- გადახდის დამადასტურებელი დოკუმენტის უნიკალური ნომერი და გადახდის თარიღი;
- შემსყიდველი ორგანიზაციის დასახელება და საიდენტიფიკაციო კოდი;
- კონკურსანტის დასახელება და საიდენტიფიკაციო კოდი;
- საკონკურსო განცხადების კონკურენციისა და სახელმწიფო შესყიდვების სააგენტოს ოფიციალურ ვებ-გვერდზე გამოქვეყნების შედეგად განცხადებისთვის მინიჭებული უნიკალური ნომერი.

8.3. საკონკურსო წინადადება, რომელიც არ შეიცავს საფასურის გადახდის დამადასტურებელ შესაბამის დოკუმენტს არ განიხილება. ამასთანავე, 8.1. და 8.2. პუნქტების დარღვევით წარდგენილი საფასურის გადახდის დამადასტურებელი დოკუმენტის შემთხვევაში პირის საკონკურსო წინადადება დისკვალიფიცირებული იქნება.

9. წარმოდგენილი საკონკურსო წინადადება მოქმედებს კონკურსში გამარჯვებულ კონკურსანტთან ხელშეკრულების დადებამდე.

10. საკონკურსო წინადადები წარმოდგენილი უნდა იყოს დალუქული კონვერტით მისამართზე - ქალაქი თბილისი, თამარაშვილი ქ. №15ა, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს კანცელარია. წერილი დოკუმენტაციის წარმოდგენის თაობაზე შედგენილი უნდა იყოს სამინისტროს საკონკურსო კომისიის თავმჯდომარის (მინისტრის პირველი მოადგილე - გრიგოლ გიორგაძე) სახელზე.

11. საკონკურსო წინადადების მიღება მთავრდება 2015 წლის 04 მარტს 15:00 საათზე. დაგვიანებით წარმოდგენილი საკონკურსო წინადადება არ განიხილება.

12. ანგარიშსწორება განხორციელდება გაწეული მომსახურების სრულად მიწოდების შემდეგ, უნაღდო ანგარიშსწორების ფორმით, ეროვნულ ვალუტაში (ლარი), აღნიშნული სახელმწიფო შესყიდვის განხორციელების თაობაზე გაფორმებული მიღება-ჩაბარების აქტის და კანონმდებლობით გათვალისწინებული სხვა შესაბამისი დოკუმენტაციის საფუძველზე 20 (ოცი) კალენდარული დღის ვადაში.

13. მომსახურების მიწოდება განხორციელდება წინამდებარე საკონკურსო განცხადებით და თანდართული სახელმწიფო შესყიდვის ხელშეკრულების პროექტით დადგენილი პირობების შესაბამისად.

14. გამარჯვებულმა კონკურსანტმა საკონკურსო პირობებით გათვალისწინებული საბოლოო დოკუმენტაცია უნდა წარმოადგინოს ხელშეკრულების გაფორმებიდან 60 (სამოცი) კალენდარული დღის ვადაში.

15. შემსყიდველი იტოვებს უფლებას, საჭიროების შემთხვევაში ცვლილებები შეიტანოს წინამდებარე საკონკურსო დოკუმენტაციაში.

16. გამარჯვებულმა კონკურსანტმა საბოლოო დოკუმენტაციის შედგენისას მჭიდროდ უნდა ითანამშრომლოს შემსყიდველთან და გაითვალისწინოს მისი შენიშვნები და წინადადებები. პროექტის შედგენის მიმდინარეობა შემსყიდველთან განხილული უნდა იქნეს არანაკლებ კვირაში ორჯერ მაინც.

17. გამარჯვებულმა კონკურსანტმა საბოლოოდ დაზუსტებული საპროექტო-სახარჯთაღრიცხვო დოკუმენტაციის მიწოდება უნდა განახორციელოს როგორც წერილობითი (სამი თანაბარი იურიდიული ძალის მქონე, დამოწმებული საპროექტო და სახარჯთაღრიცხვო დოკუმენტაცია), ისე ელექტრონული ფორმით. ამასთან, ელექტრონული ფორმით წარმოდგენილი დოკუმენტაციის თითოეული, მახასიათებლების მიერ დაჯგუფებული, სამუშაო ფაილის ზომა არ უნდა აღემატებოდეს 8 (რვა) მეგაბაიტს.

18. ხარჯთაღრიცხვის შედგენისას ზედნადები ხარჯების და გეგმიური მოგების ზღვრული პროცენტული მაჩვენებელი უნდა განისაზღვროს „სამშენებლო სამუშაოების სახელმწიფო შესყიდვისას ზედნადები ხარჯების და გეგმიური მოგების განსაზღვრის წესის დამტკიცების შესახებ“ საქართველოს ეკონომიკისა და მდგრადი განვითარების მინისტრის 2012 წლის 12 ივლისის N1-1/1463 ბრძანების მიხედვით.

19. სამინისტროს საკონკურსო კომისიას უფლება აქვს, ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე, საქართველოს სახელმწიფო ან/და საზოგადოებრივი ინტერესებიდან გამომდინარე.

20. შემსყიდველი არ არის ვალდებული, აუნაზღაუროს კონკურსანტს შესყიდვაში მონაწილეობასთან დაკავშირებული ხარჯები.

21. კონკურსანტს დამატებითი განმარტებების (ინფორმაციის) მიღება შეუძლია შემდეგ მისამართზე: **ქალაქი თბილისი, თამარაშვილი ქ. №15ა**, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო.

შენიშვნა:

საკონტაქტო პირები:

- კონკურსის მიმდინარეობის საორგანიზაციო საკითხებზე - **მაიკო მიქაია, ტელ.: 2 31 15 80,**

- საპროექტო-სახარჯთაღრიცხვო დოკუმენტაციის შედგენის საკითხებზე - **ნინო მენტეშაშვილი, ტელ: 551 30 25 25;**

ტექნიკური დავალება

შესყიდვის ობიექტი:

1. კონკურსანტმა უნდა წარმოადგინოს ქ. ზუგდიდში, დემურას ქ N1-ში მდებარე შენობის (საკ.კოდები: N43.31.42.192.01.502; N43.31.42.192.01.507; N43.31.42.192.01.509; N43.31.42.192.504) სამშენებლო-სარემონტო სამუშაოებისათვის საჭირო სრული და დეტალური საპროექტო-სახარჯთაღრიცხვო დოკუმენტაციის შედგენა-მიწოდების მომსახურების ჩასატარებლად საჭირო საპროექტო-სახარჯთაღრიცხვო დოკუმენტაცია .
2. ზემოაღნიშნული ობიექტი წარმოადგენს 4 სართულიან შენობას, რომლის ნაწილი წარმოადგენს კერძო საკუთრებას (იხ. დანართი), საპროექტო-სარეაბილიტაციო ფართი შეადგენს - 4086,38 კვ.მ.-ს. აქედან სარეაბილიტაციო საცხოვრებელ ბინებად უნდა გადაკეთდეს 2-3-4 სართ, ხოლო 1 სართულზე უნდა განხორციელდეს არსებული არასაცხოვრებელი ფართის არასაცხოვრებლად რეაბილიტაცია (რემონტი).
 - საპროექტომ უნდა წარმოადგინოს, კონსტრუქციული ნაწილის დეტალური კვლევა დასკვნის სახით შენობის შემდგომში გრძელვადიანი განსახლებისთვის, მოქმედი კანონმდებლობით გათვალისწინებული სამშენებლო ნორმების დაცვით.
 - საჭიროების შემთხვევაში, პროექტის კონსტრუქციული ნაწილი გაივლის ექსპერტიზას. შენიშვნების შემთხვევაში საპროექტო ვალდებულია გამოასწოროს ხარვეზები.
 - კლიმატური პირობების გათვალისწინება, შენობის დაცვა ნესტისგან (ჰიდროიზოლაცია და თბოიზოლაცია).
 - შეზღუდული შესაძლებლობების მქონე პირთა საჭიროებები, საცხოვრებელი შენობის როგორც შიდა, ასევე გარე ინფრასტრუქტურის კუთხით.
 - საპროექტო-სახარჯთაღრიცხვო დოკუმენტაცია უნდა მოიცავდეს გარე ქსელების მოწყობის სამუშაოებს წითელ ხაზებამდე.

1. ერთოთახიანი ბინა -25- 40.0 მ²-ის ფარგლებში;
 2. ოროთახიანი ბინა - 45-60.0 მ²-ის ფარგლებში (ბინების საერთო რაოდენობის 50%);
 3. სამოთახიანი ბინა - 65.0-80.0 მ²
- აივნის ფართი არ უნდა აღემატებოდეს ბინის სასარგებლო ფართის 15-17%-ს.

იატაკები

- 1.ფოიე, საერთო ოთახი, საძილეები - ლამინატი
- 2.სანკვანძები - მეტლახი.
- 3.სამზარეულოში - მეტლახი.

კარ-ფანჯრები

- 1.მეტალოპლასტმასის ფანჯრები მინა-პაკეტით, სამზარეულოებში სარკმელებით ბუნებრივი ვენტილაციისათვის.
- 2.ბინებში შესასვლელი - ლითონის კარები.
- 3.ბინების შიგნით ოთახებში შესასვლელი - მდფ-ის კარები.
4. სან-კვანძებში მეტალოპლასტმასის კარები.

კედლები და ტიხრები

- 1.ბინების გამყოფი ტიხრები - წვრილი საკედლე პემზობლოკი, სისქით- 20 სმ.
- 2.ბინების ოთახებს შორის ტიხრები - წვილი საკედლე პემზობლოკი , სისქით -10.0 სმ.
თაბაშირ-მუყაოს ორმაგი ტიხრები ბამბა-პაკეტით (კონსტრუქციული აუცილებლობის შემთხვევაში).

ჭერი-და კედლები

1. ბათქაში - გაჯი (სანკვანძებში ქვიშა-ცემენტის ხსნარი, პლასტიკატის შეკიდული ჭერი)
2. სამღებრო სამუშაოები - წყალემულსის საღებავი.

სანტექნიკური მოწყობილობები

1. სამზარეულო - ნიჟარა შემრევით
2. სანკვანძები - შხაპის ქვესადგამი შხაპით, შემრევითა და სიფონით, უნიტაზი, ტრაპი, ხელსაბანი ნიჟარა შემრევით.

ვენტილაცია

გამწოვები საბაზანოებისა და სამზარეულოებში (გამწოვი ვენტილატორები)

ელ.ტექნიკა

სხვადასხვა ტიპის პლაფონები (სანათი, ჩამოსაკიდი)
ავტომატები, ამომრთველები და როზეტები ნორმების მიხედვით.

3. საპროექტო მომსახურების დასრულება უნდა განხორციელდეს ხელშეკრულების ძალაში შესვლიდან არაუგვიანეს 60 (სამოცი) კალენდარული დღის განმავლობაში.
4. კონკურსანტის მიერ წარმოდგენილი საკონკურსო წინადადება უნდა შეიცავდეს:

- 4.1 შესყიდვის ობიექტის ფასს დღგ-ს ჩათვლით;
- 4.2 პირის რეკვიზიტებს (იურიდიული მისამართი, საიდენტიფიკაციო კოდი, პირადი ნომერი, საბანკო რეკვიზიტები, ხელმძღვანელობაზე და წარმომადგენლობაზე უფლებამოსილი პირის სახელი, გვარი, ტელეფონის ნომერი);
- 4.3 განმარტებით ბარათს საპროექტო-სახარჯთაღრიცხვო დოკუმენტაციის მოსამზადებლად ჩასატარებელი სამუშაოების შესახებ.
- 4.4 არქიტექტურული დაგეგმარების კონცეფცია;

შენიშვნა: ა) დოკუმენტაცია წარმოდგენილი უნდა იყოს ალბომის სახით ნაბეჭდი ვერსია A3 ფორმატზე, CD- ვერსია PDF- ფორმატში, რომლის ერთი ფაილის მოცულობა არ უნდა აღემატებოდეს 8 მგბ-ს;

ბ) საკონკურსო წინადადებით გათვალისწინებული ყველა დოკუმენტი და ინფორმაცია წარმოდგენილი უნდა იქნეს ქართულ ენაზე და ხელმოწერილი და ბეჭედდასმული (არსებობის შემთხვევაში) უნდა იყოს უფლებამოსილი პირის მიერ.

**სახელმწიფო შესყიდვის
ხელშეკრულება
N**

ქ. თბილისი

-----2015 წ.

ერთის მხრივ, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო (შემდგომში – „შემსყიდველი“), წარმოდგენილი მინისტრის პირველი მოადგილის **გრიგოლ გიორგაძის** სახით და მეორეს მხრივ, -----(შემდგომში “მიმწოდებელი“), წარმოდგენილი მისი დირექტორის ----- სახით, შემდგომში ერთობლივად წოდებული მხარეებად, „სახელმწიფო შესყიდვების შესახებ“ საქართველოს კანონისა და კონკურსში (N-----) გამარჯვებული კონკურსანტის საკონკურსო წინადადების საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

წინამდებარე ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – „შემსყიდველისა“ და „მიმწოდებლის“ მიერ ხელმოწერილი წინამდებარე ხელშეკრულება, მასზე თანდართული ყველა დოკუმენტით.
- 1.2. „ხელშეკრულების ღირებულება“ – თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ „ხელშეკრულებით“ ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს „ხელშეკრულებით“ გათვალისწინებული „მომსახურების“ მიწოდებას.
- 1.6. „მომსახურება“ – „ხელშეკრულების“ მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ – „ხელშეკრულების“ პირობების შესრულების კონტროლი.

მუხლი 2. ხელშეკრულების საგანი

- 2.1. ----- შესყიდვა, ამ ხელშეკრულებას თანდართული საკონკურსო დავალების შესაბამისად, რომელიც წარმოადგენს ამავე ხელშეკრულების განუყოფელ ნაწილს;
- 2.2. CPV 71242000 - „პროექტისა და გეგმის მომზადება, ხარჯების გამოთვლა“;

მუხლი 3. ხელშეკრულების ღირებულება

- 3.1. „ხელშეკრულების ღირებულება“ შეადგენს ----- ლარს.
- 3.2. „ხელშეკრულების ღირებულება“ მოიცავს როგორც გასაწევი „მომსახურების“ ღირებულებას, ასევე „ხელშეკრულების“ შესრულებასთან დაკავშირებით „მიმწოდებლის“ მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

მუხლი 4. მომსახურების გაწევის ადგილი და ვადა

- 4.1. „მომსახურების“ გაწევის ადგილია: ქ. თბილისი, თამარაშვილის ქ. N15ა.
- 4.2. „მომსახურების“ გაწევის ვადა: -----

მუხლი 5. მხარეთა უფლება-მოვალეობები

- 5.1. „შემსყიდველი“ უფლებამოსილია ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება.
- 5.2. „შემსყიდველი“ ვალდებულია:
 - ა) უზრუნველყოს გაწეული „მომსახურების“ ღირებულების ანაზღაურება „ხელშეკრულებით“ გათვალისწინებულ ვადებში;
 - ბ) „მიმწოდებლისაგან“ „მომსახურების“ გაწევის ნებისმიერ ეტაპზე, შეამოწმოს „მომსახურების“ ხარისხის შესაბამისობა „ხელშეკრულებისა“ და საკონკურსო პირობებთან.

5.3. „მიწოდებელი“ უფლებამოსილია მოსთხოვოს „შემსყიდველს“ გაწეული „მომსახურების“ ღირებულების ანაზღაურება „ხელშეკრულებით“ გათვალისწინებულ ვადებში.

5.4. „მიწოდებელი“ ვალდებულია:

- ა) განახორციელოს „მომსახურება“ ჯეროვნად, კეთილსინდისიერად, ხარისხიანად და სრულად;
- ბ) შესაბამისი შეტყობინების შემთხვევაში, დროულად აღმოფხვრას გაწეული „მომსახურების“ შემოწმების შედეგად გამოვლენილი წუნი საკუთარი ხარჯებით;
- გ) „მომსახურების“ მიწოდებისას აცნობოს „შემსყიდველს“ ყველა განსაკუთრებული გარემოების შესახებ.

მუხლი 6. გარანტია

6.1. „მიწოდებელი“ იძლევა გარანტიას, რომ საკონკურსო პირობებით განსაზღვრული ტექნიკური დავალების მიხედვით მიწოდებული მომსახურება იქნება ხარისხიანი და შესაბამისობაში კანონმდებლობის მოთხოვნებთან;

მუხლი 7. ინსპექტირება

7.1. „შემსყიდველი“ ვალდებულია ჩაატაროს ინსპექტირება ნებისმიერ ეტაპზე, რისთვისაც გამოყოფს უფლებამოსილ პირს, ხოლო „მიწოდებელი“ ვალდებულია ხელი შეუწყოს მას/მათ ინსპექტირების განხორციელების დროს.

7.2. ინსპექტირებას განახორციელებს სამინისტროს საპროექტო-სახარჯთაღრიცხვო დოკუმენტაციით უზრუნველყოფის სამმართველოს უფროსი ნინო მენტეშაშვილი;

7.3. „შემსყიდველის“ შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია განახორციელოს ხარისხის კონტროლი და თუ აღმოჩნდება ხარვეზი, „მიწოდებელი“ ვალდებულია, „შემსყიდველის“ წერილობითი შეტყობინების საფუძველზე განსაზღვრულ ვადაში, გამოასწოროს აღნიშნული ხარვეზი.

მუხლი 8. მომსახურების მიღება-ჩაბარება

8.1. „მომსახურება“ მიღებულად ჩაითვლება მას შემდეგ, რაც მხარეთა უფლებამოსილი წარმომადგენლები ხელს მოაწერენ შესაბამის მიღება-ჩაბარების აქტს.

8.2. „შემსყიდველის“ მხრიდან ამ მუხლის 8.1. პუნქტში აღნიშნულ მიღება-ჩაბარების აქტს ხელს მოაწერს „ხელშეკრულების“ მე-7 მუხლის 7.2. პუნქტით განსაზღვრული უფლებამოსილი პირი.

მუხლი 9. ანგარიშსწორება

9.1. შესყიდვის ობიექტის ფასი განისაზღვრება საქართველოს ეროვნულ ვალუტაში (ლარი),

9.2. ანგარიშსწორება ხორციელდება უნაღდო ანგარიშსწორებით - ლარებში, „საქართველოს 2015 წლის სახელმწიფო ბიუჯეტის შესახებ“ საქართველოს კანონით შემსყიდველისთვის გამოყოფილი ასიგნების ფარგლებში;

9.3. ანგარიშსწორება შესაძლოა განხორციელდება მთლიანად, შესრულებული სამუშაოების მიხედვით, შესაბამისი დოკუმენტაციის წარდგენიდან 20 (ოცი) კალენდარული დღის ვადაში.

მუხლი 10. ფორს-მაჟორი

10.1. მხარეებს არ დაეკისრებათ პასუხისმგებლობა „ხელშეკრულებით“ გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის, თუ შეუსრულებლობა გამოწვეულია ფორს-მაჟორული გარემოებებით.

10.2. ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო „ხელშეკრულებით“ ნაკისრი ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

10.3. ფორს-მაჟორული გარემოებების დადგომის შემთხვევაში „ხელშეკრულების“ მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე, შეტყობინების ყველა შესაძლო საშუალებით, უნდა გაუგზავნოს ინფორმაცია მეორე მხარეს, ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით, აგრძელებს „ხელშეკრულებით“ ნაკისრი ვალდებულებების შესრულებას და ცდილობს გამოახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

მუხლი 11. მხარეთა პასუხისმგებლობა

11.1. „ხელშეკრულებით“ მხარეთა მიერ ნაკისრი ვალდებულებების შეუსრულებლობის შემთხვევაში, მათ დაეკისრებათ პასუხისმგებლობა კანონმდებლობით გათვალისწინებული წესით.

11.2. „ხელშეკრულების“ მე-4 მუხლის 4.2 პუნქტით განსაზღვრული „მომსახურების“ მიწოდების ვადის გადაცილების შემთხვევაში, „მიწოდებელს“ ეკისრება პირგასამტეხლო ყოველ ვადაგადაცილებულ დღეზე მიწოდებული „მომსახურების“ ღირებულების 0,2 %-ის ოდენობით.

11.3. „ხელშეკრულების“ მე-7 მუხლის 7.3. პუნქტით გათვალისწინებული პირობების დარღვევის შემთხვევაში, „მიმწოდებელს“ ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,2%-ის ოდენობით.

11.4. პირგასამტეხლოს გადახდა არ ათავისუფლებს „მიმწოდებელს“ „ხელშეკრულებით“ ნაკისრი ვალდებულებების შესრულებისაგან.

11.5. „მიმწოდებელს“, „ხელშეკრულებით“ ნაკისრი ვალდებულებების შესრულებლობის შემთხვევაში, დაეკისრება ჯარიმა „ხელშეკრულების ღირებულების“ 5 %-ის ოდენობით.

მუხლი 12. ხელშეკრულებაში ცვლილებების შეტანა

12.1. ნებისმიერი ცვლილება „ხელშეკრულებაში“ შესაძლებელია განხორციელდეს მხოლოდ წერილობითი ფორმით, ორივე მხარის უფლებამოსილი წარმომადგენლის ხელმოწერით.

12.2. თუ რაიმე წინასწარ გაუთვალისწინებელი მიზეზების გამო წარმოიშობა „ხელშეკრულების“ პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. „ხელშეკრულების“ პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება „ხელშეკრულების“ პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. „ხელშეკრულების“ პირობების გადასინჯვა ხდება საქართველოს კანონმდებლობით დადგენილი წესით.

12.4. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, „ხელშეკრულების ღირებულების“ გაზრდა დაუშვებელია „ხელშეკრულების ღირებულების“ 10%-ზე მეტი ოდენობით.

მუხლი 13. დავების გადაწყვეტა

13.1. „ხელშეკრულების“ შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

13.2. თუ ასეთი მოლაპარაკების დაწყებიდან 10 (ათი) დღის განმავლობაში მხარეები ვერ უზრუნველყოფენ სადაო საკითხის შეთანხმებით მოგვარებას, ნებისმიერ მხარეს უფლება აქვს მიმართოს საქართველოს სასამართლოს დავის გადაწყვეტის მიზნით.

მუხლი 14. ხელშეკრულების შეწყვეტა

14.1. „შემსყიდველი“ უფლებამოსილია ცალმხრივად შეწყვიტოს „ხელშეკრულების“ მოქმედება, იმ შემთხვევაში, თუ „მიმწოდებელი“ ვერ უზრუნველყოფს ვალდებულებების შესრულებას, ასევე მოქმედი კანონმდებლობით დადგენილ სხვა შემთხვევებში.

14.2. „ხელშეკრულების“ ცალკეული პირობების მოქმედების შეწყვეტა, არ ათავისუფლებს „მიმწოდებელს“ „ხელშეკრულებით“ განსაზღვრული სხვა ვალდებულებების შესრულებისაგან.

14.3. „ხელშეკრულება“ აგრეთვე შეიძლება შეწყდეს მხარეთა წერილობითი შეთანხმების საფუძველზე.

მუხლი 15. ხელშეკრულების მოქმედების ვადა

15.1 „ხელშეკრულება“ ძალაშია მხარეთა მიერ მისი ხელმოწერიდან და **მოქმედებს** -----.

მუხლი 16. სხვა პირობები

16.1. „ხელშეკრულებით“ გაუთვალისწინებელი პირობები რეგულირდება საქართველოს კანონმდებლობით.

16.2. „ხელშეკრულება“ შედგენილია ქართულ ენაზე, 3 (სამი) თანაბარი იურიდიული ძალის მქონე ეგზემპლარად, რომელთაგან 2 (ორი) ინახება „შემსყიდველთან“, ხოლო 1 (ერთი) - მიმწოდებელთან.

16.3. „ხელშეკრულებასთან“ დაკავშირებული ნებისმიერი მიმოწერა უნდა განხორციელდეს ქართულ ენაზე.

მუხლი 17. მხარეთა იურიდიული რეკვიზიტები

შემსყიდველი:

მიმწოდებელი:

<p>საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო</p> <p>ს. კოდი 200037646</p> <p>მის: ქ. თბილისი თამარაშვილის 15ა</p> <p>ტელ: 2 31 15 80</p> <p>სახელმწიფო ხაზინა ბ. კოდი 220101222</p> <p>ა/ა 200122900</p> <p>სახაზინო კოდი - 302009921</p>	
---	--